



Elin Jones AC, Llywydd

Cynulliad Cenedlaethol Cymru

Elin Jones AM, Presiding Officer

National Assembly for Wales

David J Rowlands AC
Cadeirydd
Y Pwyllgor Deisebau
Cynulliad Cenedlaethol Cymru
Bae Caerdydd
CF99 1NA

Eich cyf:
Ein cyf: PO428/EJ/GE

12 Mehefin 2018

Annwyl David

Deiseb P-05-818: Cyflwyno Cofrestr o Lobiwyr yng Nghymru

Diolch am eich llythyr yn ymwneud â Deiseb P-05-818.

Ar 16 Mawrth 2018, cyflwynodd y Comisiwn ei ymateb ffurfiol i'r argymhellion a wnaed iddo yn adroddiad y Pwyllgor Safonau Ymddygiad ar Lobiö. Rwy'n deall eich bod wedi cymryd rhywfaint o ran yn y gwaith, fel aelod o'r Pwyllgor. Trafododd y Comisiwn yr argymhellion ac roedd yn cefnogi dyhead y Pwyllgor Safonau i wella tryloywder a rhoi gwell dealltwriaeth o waith Aelodau etholedig.

Nid wyf mewn sefyllfa i roi barn y Comisiwn ar yr awgrym penodol yn y ddeiseb, ond pe byddai'r Cynulliad yn penderfynu ei fod am gyflwyno cofrestr statudol, a'r ddeddfwriaeth yn unol â hynny, byddai angen i'r Comisiwn ystyried yr adnoddau y byddai angen eu hangen neu sydd ar gael er mwyn galluogi hynny i ddigwydd.

Nid oedd y Pwyllgor Safonau yn argymhell cyflwyno Cofrestr Statudol bryd hynny. Rwy'n deall bod canfyddiadau adroddiad y Pwyllgor yn interim a'i fod yn dymuno dysgu o brofiad a chasglu rhagor o dystiolaeth o arfer gorau. Ei fwriad wedyn yw adolygu ei waith yn 2020 a dod i gasgliadau clir a gwybodus, gan amlinellu cynigion ar gyfer y Chweched Cynulliad.

Croesewir gohebiaeth yn Gymraeg neu Saesneg / We welcome correspondence in Welsh or English

Cynulliad Cenedlaethol Cymru

Bae Caerdydd, Caerdydd, CF99 1NA

Llywydd@cynulliad.cymru

www.cynulliad.cymru

0300 200 7403

National Assembly for Wales

Cardiff Bay, Cardiff, CF99 1NA

Llywydd@assembly.wales

www.assembly.wales

0300 200 7403



Elin Jones AC, Llywydd

Cynulliad Cenedlaethol Cymru

Elin Jones AM, Presiding Officer

National Assembly for Wales

Felly, ni fyddai'n briodol i'r Comisiwn fynegi barn ar syniad penodol ar hyn o bryd a byddai hynny'n peryglu osgoi'r llwybrau trafod a chraffu perthnasol.

Yn gywir

Elin Jones AC
Llywydd